

ЎЗНОМА
1930 ЙИЛ
12 МАЙДАН
ЧИҚА
БОШЛАГАН



ЎЗБЕКИСТОН ССЖ ИИБ ҲАЙЪАТИ НАШРИ


18 (2282)

1991 ЙИЛ 2 МАРТ

ШАНБА

БАҲОСИ - 10 ТИЙИН

ССЖИДА ЖИНОЯТЧИЛИК АҲВОЛИ



Мана ўн йилдирки Ажиабар Умиров Тошкент шаҳар ички ишлар бошқармасининг патрул-пост ротасида халқ осойишталиги йўлида хизмат қилиб келмоқда. Бу даврда А. Умиров иштирокида ўнлаб жиноятчилар қўлга олинди ва кўплаб тартиббузарлар ички ишлар бўлимига олиб келинди.

Бўлинма командири милиция сержанти А. Умиров ёш ходимларга ўз тажрибаларини ўргатиш билан бирга ўзи ҳам шахсий намуна кўрсатмоқда. Жумладан, ўтган йилнинг ўзида у қароқчиларча ҳужум, талончилик, безорилик каби ўндан ортиқ жиноятларни очди, 200 дан ортиқ маъмурий қонунбузарларни ички ишлар бўлимига олиб келиб топширди.

Милиция аълочиси Ажиабар Умировнинг кўксини



дўст Афғонистон ва ҳуқуқматимизнинг бир қанча жангвор медаллари безаб турибди.

Суратда: Ажиабар Умиров хизмат пайтида. Ҳабибулла ШОДИЕВ олган сурат.

БИР ХАТ ИЗИДАН

ҚОНУН КУЧЛИМИ ЁКИ БУЙРУҚ?

Муҳарририятимизга Тошкент шаҳар ИИБ соқчилик бошқармаси ротасининг ходимаси милиция лейтенанти Лидия Тошхўжаева мактуб йўллаб, ўтган йилнинг ноябрь ойида қабул қилинган «Милиция ходимларининг ижтимоий ва ҳуқуқий жиҳатдан ҳимоя қилишни кучайтириш тўғрисида»ги қонунни айрим ташкилот раҳбарлари тан олмаётганликларини ёзган эди.

Милиция ходимлари қонунда кўрсатилган имтиёزلардан фойдалана олишга қарамай, Саволга жавоб топиш мақсадида хат муаллифи ташкилотнинг «Самарқанд» автобекети, «Жанубий» темир йўл шоҳбекати, Чилонзор туманлараро алоқа тармоғида бўлиб, аҳвол билан танишдим.

«Самарқанд» автобекети кассири Любовь Соловьевага учрашдим.

— Милиция ходимлари автобуска наватсиз чипта олишлари мумкинми?

— Мумкин, фақат улар милиция формасида бўлсалар.

— Формада бўлмасдан хизмат гувоҳномасини кўрсатсаларчи?

— Унисини билмадим, наватчи диспетчер билан гаплашиб кўринг-чи.

Наватчи диспетчер Шоназар Усмонов билан савол-жавобимиз қисқа бўлди.

— Йўловчилар руҳсат берсагина, милиция ходими автобуска наватсиз чипта олиши мумкин, кейин Сиз айтган қонун ҳали бизга етиб келгани йўқ, келса ўшанда гаплашамиз,— деди у.

Автобекат бошлиғи ўринбосари Фикрат Норхўжаевнинг жавоби ундан ҳам ўтиб тушди.

— Биз бу қонунни ижро этиш ҳақида ҳали буйруқ олганимиз йўқ.

Шундан сўнг «Жанубий» темир йўл шоҳбекатига қараб йўл олдим. Бу ерда йўловчиларга маълумот берувчи Надежда Дадабоева, зал бўйича наватчи Содиқ Екубов ва касса мудир Мансур Ражабовлар иш тартибларига яқин

ойлар ичида ҳеч қандай аниқ киритилмаганини айтдилар. Шундай бўлсада, мен «Жанубий» бекат бошлиғи Домиёр Заҳриддинов ҳузурига кирдим. Уйлаганимдек бўлиб чиқди. Бошлиқ ҳам қонунни биринчи бўлиб мендан эшитди.

Сўнгра у ваъзхонликка ўтди.

— Албатта, милиция ходимларига наватсиз хизмат кўрсатиш учун ҳамма чораларни кўраймиз, лекин бизга қўшимча вагонлар беришгани йўқ, техникаларимизни созлаш учун маблағимиз ҳам етарли эмас,— деб гапни бошқа ёққа бурмоқчи бўлди.

Ҳа, бу суҳбат мен не дейману, қўбизим не дейди, қабилада бўлди.

Шу линия бўйича ички ишлар бўлими жамоат тартибини сақлаш инспектори милиция майори Мазор Эминовнинг айтишича, бўлимга ҳар кун хизмат вазифаси юзасидан шошилинч бошқа вилоятларга кетаётган 20-25 нафар милиция ходими ёрдам сўраб мурожаат қилар экан.

Яна ҳал бўлмади келаётган муаммолардан бири телефон ўтказиш. Милиция ходимлари туну кун зарур жойлар билан алоқада бўлиб туришлари кераклигини ҳамма билади. Бунинг учун имкон яратиб беришда эса яна сансалорлик.

Чилонзор туманлараро алоқа тармоғи оператори Нина Николаеванинг субтсиз гапи дилни ранжитди. «Қонунда милиция ходимларига имтиёзли равишда телефон кераклиги айтилган, лекин вазирилик бу ҳақда бизга буйруқ бермаган»,— дея хотиржамлик билан ўз ишини давом эттирверди.

Хуллас, биз юқорида ташкилланган жойлардаги ўртоқларнинг қонунга муносабати Лидия Тошхўжаеванинг куюниб ёзганларидан ҳам аянчли экан. Қонунга нисбатан шунчалик ҳурматсизлик сабабини уларнинг раҳбарларидан бишлини истардик.

М. ИСМОИЛОВ.


КАССИРНИНГ ҲИЙЛАСИ

Бўстонлик туманидаги «Дўстлик» жамоа хўжалигида жойлашган 40-ҳунар-техника билим юрти ходимлари 20 февралда ишга келишиб, ҳангу-манг бўлиб қолишди. Чунки маош бериладиган бу кунда кассадаги 9 минг сўм пул ўғирланган эди.

А. Жилқайдаров, Т. Қорабоев, Х. Миралиевларга жиноятчини топиш учун бир ярим кун кифоя қилди. Турли фикрлар ўртага ташланди. Ўғирлик қанчалар пухта амалга оширилган бўлмасин, барибир калаванинг учи топилди. Жиноятчи ким экан дег... Албатта, билим юрти ходимлари ҳам ҳайратдан ёқа ушлашди.

Банкдан олиб келинган пулни кассир бино ичига яшириб қўйган. Тунда келиб ойналарни синдирганда, қинғир ишни охирига етказган экан. Ўғри кассирнинг гаройиб «хунари» юзасидан тергов ҳаракатлари олиб борилмоқда.

В. ТИХОМОЛОВ.



Олиб кўйилган ва иккинчи равишда топширилган қуроллар сони /жумҳуриятлар бўйича/



Ўтган 1990 йил давомида мамлакатимиз бўйича ҳуқуқбузарлик вазияти ўта кескинлашгани кузатилди. Қайд қилинган жиноятлар сони 13,2 фоизга кўпайди ва 2 млн. 786,6 мингга етди (шундан 422,6 мингтаси ўғир жиноятлар). Ҳар юз минг аҳоли ҳисобига жиноятчилик миқдори 862 тадан 969 тага етди. Айрим жумҳуриятларда эса бу миқдор мингтадан ошиб кетди.

Ўқотар қурол ишлатиб содир қилинган жиноятлар сони уч бараварга (7,3 минг) кўпайди. Ҳамон энг катта хавфни хонадонлардаги «омбор»да сақланаётган ва рўйхатдан ўтмаган қурол-

лар тугдирмоқда. ССЖИ Президентининг 1990 йил 25 июлдаги Фармонида мувофиқ аҳолида сақланаётган 24,4 минг ўқотар қуроллар, 747,4 минг дона ўқдорлар кўнгилли равишда топширилди ёки мажбуран олиб қўйилди.

Ноқонуний ҳатти-ҳаракатлар иқтисодиёт соҳасида жуда кенг ёйилди. Ўғирликнинг кўлами кенгайди, чайқовчилик оммавийлашиб кетди. Кўпгина жумҳуриятларда, асосан, Кавказорти ва Урта Осиёда жиноятчиликнинг ялли сонида иқтисодий жиноятчилик салмоғи иттифоқ миқёсидаги ўртача миқдордан анча ошгани кўринди.



АЛЛО,
СИЗГА
САВОЛИМ
БОР

Халқ — бу қўзғу, унга қараб аксинини кўрасан, дейишади донолар. Чиндан ҳам эл-улус билан ҳамкорликда олиб борилган ишнинг охири хайрли бўлади. Зеро кимнинг қанақалигини баҳоловчи мезон — бу кўпчиликнинг фикри.

Шу боисдан ЎзССЖ ИИБ раҳбарлари 26 февраль кунини фуқаролар билан телефон орқали бевосита мулоқот ўтказдилар.

(Давоми 2, 3-бетларда)

